

Atvinnuleysið er komið til að fara

Lag og texti: Bubbi Morthens

Maður án vinnu er vansæll maður
vinnulausi maður hvar er þinn staður?
Þingmenn rembast sem rjúpa við staurinn
og reyna að sýna í þetta fór aurinn.
Málið sem þeir tala tölvur aðeins skilja
tómleika spekinnar er erfitt að hylja.
Hulda spann og hjartað brann
atvinnuleysið telpan fann.

Kerfið getur ekki sinnt með sóma
sínu eigin fólki og orð þess hljóma:
Allir þurfa eitthvað niður að skera
atvinnuleysið er komið til að vera.
Þá skulum við allir einum rómi svara:
Atvinnuleysið er komið til að fara.
Hulda spann og hjartað brann
atvinnuleysið brýtur mann.

Maður þarf að borga brauð sitt og mjólk
bakvið tölur og styrki er lifandi fólk.
Ef ekki er hægt að tryggja fólki lágmarks kjör
er tími kominn á að finna ný svör.
Kerfið hefur brugðist og borgunin er sú
að brotin heimili misst hafa trú.
Hulda spann og hjartað brann
enga vinnu telpan fann.

Spilling og svínarí í felum inni í flokkum

fagurt gala veiðimenn í öllum flokkum.

Þú mátt vera bankastjóri stóllinn er þinn

ég stjórna öllu og svo er það hinn.

Hann vill verða sendiherra sendum hann af stað

alþýðan sér aldrei hvað er að.

Hulda spann og hjartað brann

loksins telpan vinnu fann.

Kvótaleysi bjargleysi heilsuleysi hljómar

getuleysi ráðaleysi svefnleysi ómar

úr kjöftum þessara manna myrkrið streymir

mikið vildi ég vita hvað þingmanninn dreymir

fyrir vestan er fólkið farið að brýna stálið

finnurðu ekki hitann? þetta er alþýðubálið

Hulda spann og hjartað brann

Hulda er efni í byltingarmann.

Lagið má finna á eftirtöldum útgáfum

- Bubbi - 3 heimar (1994)